



# ATASSUT INATSISARTUNI

---

**ATASSUT**

**UPA 2014/38-1**

**Knud Kristiansen**

**10.04.14**

**Inuussutissarsiutigiginagu aalisarsinnaaneq piniarsinnaanerlu aatsaat ukiut pingasut Kalaallit Nunaanni najugaqareersimagaanni pisinnaatitaaffinngornissaa siunertaralugu Naalackersuisut UKA14-mut Aalisarneq pillugu inatsisartut inatsisaat nr. 18, 31. Oktober 1996-imeersup kiisalu Piniarneq aallaaniarnerlu pillugit Inatsisartut inatsisaat nr. 12, 29. Oktober 1999-imeersup allanngortinnissaannut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Lars Mathæussen, Siumut)

ATASSUT-miit siunnersuuteqartoq qutsavigissavarput.

ATASSUT-miit siunnersuutip suliarinissaanut pisariaqartissimagaluarparput, paasissutissat maannamut takussutissaasinnaasut aallaaviginissaat, tassa nunatsinni allamiut, imaluunniit avataaniit nunatsinnut nuuttut ukiuni kingullerni qassit, sunngiffimmi piniarnermut allagartaqarnersut. Takussutissat pigineqarsimappata immaqa siunnersuut pillugu aalajangerniarnermi pitsaanerusimassagaluq.

Kiisalu ATASSUT-miit maannamut maleruagassat atuuttut aallaavigalugit aqqissuussinerup arlaatigut pitsaanngequteqarsimaneranik ilisimasaqaratalu apuussivigineqarsimanngilagut, taamaattorli killormut, pitsaasortai tusartarlugit.

Taamaattorli ATASSUT-miit sillimaniarneq eqqarsaatigalugu, isumaqarpugut tamanna misissorneqarsinnaasoq, imaluunniit pisariaqarnersoq, inuit avataaniit nuuttut arlaatigut sunngiffimmi pinialunnissamut, aalisarnissarmut, imaluunniit pinngortitami, asimi angalaarsinnaanermut aamma ”misilitsittoqartarnissaanik” ”ilinniartitsisoqartarnissaanillu” periarfissanik.



## ATASSUT INATSISARTUNI

---

Maannamummi inatsit atuuttoq aalisarnej eqqarsaatigalugu killilersukkanut periarfissaqanngereerpoq. Sunngiffimmilu pinialussinnaanermut allagartaqarnikkut, allat assigalugit periarfissaqalersarlutik ukiut marluk Kalaallit Nunatsinni najugaqareersimasuunissaa aallaavigalugu.

ATASSUT-miillu aamma eqqarsaatissiissutigissavarput, inuit avataaneersut nunaqqatigilersimasagut, ilaatigullu immaq Kalaallit Nunatsinni uatsituulli innuttaassuseqalersimasut allaanerusumik immikkoortillugit inatsisiliuuttalernissaat isumatusaarnerunersoq, tassami uatsitut innuttaassuseqalersimagunik tamanna isumaqarmat uatsituulli piginnaatitaaffiit tunngaviusut aamma tassunga atuutilersut.

Taamaattumik ATASSUT-miit isummernerput uaniippoq, maannamut inatsisit tunngavigineqartut naammaginatutut isigaavut, taannalu aallaavigalugu siunnersuut tapersinngilarput.